

Օսմանյան կայսրության մեջ ջիզիեն գանձում էին մուսուլմանական տարվա սկզբին՝ մուհարրամ ամսին (հունիս—հուլիս):

17-րդ դարում ջիզիեի գանձումը կատարվում էր հետևյալ կերպ. Ստամբուլում, գլխավոր դաֆթարգարի հրամանատարության տակ գտնվող ջիզիեի հաշվետարը «ջիզիե մուհասերեջիսի»), պատրաստել էր տալիս կնքված պատրաստի թղթեր, որի վրա գրված էր լինում «պարագիր ջիզիե» («ջիզիեի ջերբան»)՝ ոչ մուսուլմանների համար: Այդ թղթերը հանձնվում էին հատուկ պաշտոնյաներին՝ այսպես կոչված թահսիլդարներին, ջիզիեդարներին, որոնք գլուղերում քեթխուզաների (տանուտերերի), դատավորների (կազինների) օգնությամբ հավաքում էին ջիզիեները և հանձնում թղթերը:

Աղբյուրների վկայությամբ ջիզիեն հավաքող պետական պաշտոնյաները կողոպտում էին ժողովրդին՝ ջիզիեի հետ միասին այլ անուններով հարկեր գանձելով: Հայանի թուրք պատմաբան Արզուրրահման Վեքիֆ բեյը այդ մասին գրում է. «Երբ պարզվեց, որ մուսուլմաններից ջիզիեի հետ միասին գանձում են մյուբաշիրիե¹, թահսիլդարիե², քեֆիլլեմե³, «կոլեմ հակիլը»⁴ և այլ հարկեր այլ անուններով, ապա հիշրեի 1246 թ. (1830—1831), որպեսզի վերջ դրվի դրան, հատուկ որոշում ընդունվեց»:

Թուրքիայում գոյություն ունեւր կրկու տեսակի ջիզիե, «մաքտու ջիզիե» („maktu cizye“), այսինքն միանվագ և, «առ-առուս» („ar.—ruus“) այսինքն ըստ գլուխների:

Առաջին տեսակի ջիզիեն գանձվում էր պատերազմում պարտված ոչ մուսուլմաններից, միանգամից, որոշակի գումարի ձևով:

Երկրորդ ու հիմնական ձևը հանդիսանում էր «առ-առուս» ջիզիեն, որը գանձվում էր բոլոր հարկատու ոչ մուսուլման հպատակներից, համաձայն նրանց նյութական դրություն: Ըստ այդմ էլ բոլոր հպատակները բաժանվում էին երեք հիմնական խմբի՝ աղքատների (էդնա, edna), միջակների (էվսատթ, evsat) և հարուստների («ալա, ‘alâ), որոնք համապատասխան ձևով պիտի վճարեին՝ տաս, քսան և երեսուն ակչե⁵:

Սակայն պետք է նշել, որ ոչ ամենուրեք և ոչ ամեն ժամանակ նկատի էր առնվում այս սկզբունքը, այն հաճախակի խախտվում էր, տեղի տալով բացարձակ կողոպուտին: Այսպես, ենի իլ (Սերաստիայի նահանգ) քաղաքի 1583 թ. կանուն-համեում ասված է, որ «տարբերություն չղնելով աղքատի, հարուստի ու միջակի միջև՝ յուրաքանչյուրից գանձում են 25-ական ակչե (ջիզիե)»⁶

¹ «Մյուբաշիրիե» („mübaşiriye“), mübaşir, արարերեն նշանակում է հակիլ: Հետեւաբար «մյուբասիրիե» ուղարկված հակիլին վճարված գումարն է:

² «Թահսիլդարիե» („tahsildariye“) — թահսիլդարի (ջիզիեն հավաքող պաշտոնակատարին) հանձնված գումարին տրված անունն է:

³ «Կեֆիլլեմե» („Kefelleme“), «ջիզիե»-ն համայնքից գանձվելու պատճառով, հարկի գանձումն ապահովելու համար տեղի «մուխթար»-ները վկա (kâim) են լինում, և որի համար ստանում են որոշակի գումար:

⁴ «Կոլեմ հակիլը» („Kolem hakkı“) — կոլեմ — ծառ է նշանակում: «Կոլեմ» այստեղ պետութայն կողմից ուղարկված պաշտոնյան է: «Կոլեմ հակիլը» — «ծառայի իրավունք», այսինքն «ջիզիե»-ն գանձող պաշտոնյային տրվող գումարը:

⁵ Yeni İli kanunu (Om. L. Barkan s. 83), տե՛ս նաև Վ. Ա. Հակոբյան, Մանր ժամանակագրություններ, հատ. ԻԲ., էջ 483:

⁶ Նույն տեղում: